



Universitätsbibliothek Paderborn

Ivdex Magistratvs Senator

Zype, Franciscus van der

Antverpiæ, 1633

Cap. XVI. De fide obseruanda.

urn:nbn:de:hbz:466:1-14280

res iuuando licitis, honestisque lucris acquisuerint l. 7. eod.

18. *In apparitoribus* Enimverò difficile est æquè scrupulosam adhibere cautionem in assumptione apparitorum, cohortalium, similiumque officialium, quorum numerosus erat exercitus. nam Comes Orientis 600. habuit apparitores l. 1. C. de apparitoribus non datur tantum parit. Comit. Orient. lib. 12. Officium Præfecti prætorio Afric. cæ fuit virorum 398. l. 1. §. in officio C. de off. P. P. Afric. aliorum numerus amplior. & apparitores hi dicebantur, l. 2. C. de com. sac. lar. l. 1. C. de filijs Official. qui in bello mort. beneficiarij etiam dicebantur. sic omnes, inquit Vegetius lib. 2. c. 7. consecuti aliquod munus in officio Præfectorum, beneficiarij, vel ordinarij vocantur. quo modo feuda beneficia, & vassalli beneficiarij appellantur.

C A P V T X VI.

De fide obseruanda.

1. *Fidei obseruantia eo maior sit,* **N**il magis eorum lumen obscurat, dignitatemque imminuit quos Deus & fortuna altius euexit, quam fidei neglectus; adeoque eius obseruantem èò quemque quo quis magis esse conuenit, quò sublimius est collocatus. vinculum enim est humanæ societatis, cui seruandæ potestates omnes sunt institutæ. quare Franciscus I. cùm Carolum V. in regno & potestate haberet, à quibusdam Marchiauellici seminis consiliariis monitus, vt occasione vteretur, respondisse fertur: Si fides toto orbe terrarum exularet, eam tamen Regibus seruandam esse, qui eâ solâ, nullo autem metu constringi possint. Sanctè: si tamen verè. nam discrepant aliorum temporum actiones, & monitum illustris fœminæ ab adamante elicatum, ac veredaria Caroli fuga.

2. *Pæne violatæ.* Vladislaus sanè Pannoniæ Rex prætextu piæ causæ, & Christianismi propagandi; fidem per Christum Turcæ iuratam fregisse dicitur, & Turcam ante conflictum iussisse tabulas recitari, quibus hunc ipse epilogum coram exercitu addiderit: *Hæc sunt, Iesu Christe, fædera que Christiani tui mecum percussere, per nomen tuum sanctè iurarunt, datamque sub nomine tuo fidem violarunt, perfidè Deum suum abnegarunt: nunc Christe, si Deus es, vt aiunt, & nos hallucinamur, tuas measq; iniurias, te quoq; vlciscere: his qui nomen tuum sanctū nondum agnouere, violatæ fidei pænas ostende.* Censuerunt viri docti & pij non aliter quam iph barbari, etiā illis datam fidē seruandam fuisse, & ob violationem

Vla-

Vladislaum exercitu, regno, vitâ à Christo multatum. E contrario animaduersū est, Germanos fidei tenacissimos tot seculis Imperium tenuisse, Germaniæ regem nullum inter multa & grauissima bella à suis desertum, in acie cæsum, aut ab exterris in captiuitatem duxit, & ab annis octingentis sex tantum à Germana sinceritate degeneres à suis in ordinem redactos, Carolū Crassum, Ataulphū, Venceslaum, Henricum III, Ottonem IV. Fredericum II. Non eadem fides Orientalibus stetit, sed Imperatorum 86. fusus sanguis, & alibi nec reges populo, nec populus regibus eandem fidem præstiterunt. periere plures non siccâ morte.

3.
premia
seruat &
fidei.

Prisci Romani tum exteris tum inuicem datæ fidei obseruantissimi fuere. ut & Vitellius Fabio Sabino querenti quod pacta turbarentur, corruptis licet temporibus, nō aliud austus fuerit respondere, quām nimio militis ardori modestiam suam esse imparem. Tac.l. 19. Sanè Hanno Carthaginensis cùm fiducia fidei Romanæ ad colloquium venisset, & tribunus fortè militum ei dixisset, posse meritò ei euenire, quod à Carthaginensibus Cornelio accidisset, vterque consul tribuno tacere iusso, Isto te, inquit, metu, Hanno, fides ciuitatis nostræ liberat. Valerius l. 9. c. 6. Acceperat ea ciuitas ab incunabulis suis à Numa Pompilio eum morem, ut fides, ac iuramentum propulsò legum ac pœnarum metu ciuitatem regerent. Liu.l. 1. neque alioquin Claudio in ditione Mithridatis dubitasset, accipere captiuum pœno salutis, an repetere armis rectius foret, nisi obseruanda esse pacta putauisset. Quid enim, inquit Iurisconsultus, in l. 1. D. de pact. tam congruum humanæ fidei, quām pacta seruare?

4.
Romani
tenacissimi.

C A P V T X V I I .

De dissimulatione.

FIdem simulatio mendaciumque oppugnat. Candorem & veritatem in viris magnis esse, mendacium & dolum malum abesse, quām deceat, alibi diximus: Dissimulationem tamen oportunam nemo potest improbare, sed & sæpè necessariam esse fateri oportet. Saul initio regni, cùm filij Belial eum despicerent, neque pro more munera adferrent, dissimulabat se audire. 1. Reg. 10. in fin. prudenter sane. in regno nouo, & electione ipsius noua. Cùm populum persuaderi

1.

Oportuna
& neces-
saria sæpè.